

Месяца августа в 29-й день

УСЕКНОВЕНИЕ ЧЕСТНЫЯ ГЛАВЫ ЧЕСТНАГО СЛАВНАГО ПРОРОКА, ПРЕДТЕЧИ И КРЕСТИТЕЛЯ ИОАННА

НА МАЛОЙ ВЕЧЕРНИ

На Гóсподи, воззвáх: стихиры на 4, глас 1.

Подобен: Небéсных чинóв:

Предт́ечу Иоáнна и Крестítеля Христóва, / приидíte соглáсно, вси вёрнии, / достóйно почт́им прил́ежно: / прорóк бо сый прорóчествует б́удущая, / я́ко служítель и тайнник богол́епен / неизреч́енных чудéс Христóвых. (2)

Йрод безúмный / отсека́ет твою́ главú нещáдно, / облича́ющу сегó прескв́ерный нрав; / Христóс же тя, треблаж́енне, / я́ко Крестítеля, главú содева́ет Цёркви, / всех Содéтель Господь и всех Избáвитель.

На блю́де принест́и твою́ главú / Йрод беззакóнный / скв́ерней Иродиáде, / отсék со дерзнов́ением, / повелева́ет, всеблаж́енне. / О, ч́удо стра́шное, и преслáвно слы́шание! / Но Христóва Цёрковь радóстно прáзднует твоё страдáние.

Слава, глас 8:

Предт́ече Спáсов, / áще и убийством разреши́ Йрод тя, йстины проповédника, / но уст твои́х светолúчная свещá / и сýщим во áде вéры сия́ние, / призывáющи, светя́ше. / Тёмже моли́ помíловатися душáм нáшим.

И ныне, Богородичен, глас тойже:

Влады́чице, приими́ моли́твы раб Твои́х / и избáви нас / от всякия нýжды и печáли.

Прокимен дне.

На стиховне стихиры, глас 2.

Подобен: Дóме Евфра́фов:

Бóлий в рожд́енных жена́ми / яв́ился еси́, блаж́енне, / я́ко Влады́ку всех / крестív, Иоáнне, / прорóче, проповédниче и Предт́ече.

Стих: Честна́ пред Гóсподем / смерть преподóбных Егó.

Егда́ Иродия́ / пьянством и блудóм / одержима́ ви́де / беззакóннаго Йрода, / ко убийству сегó привлече́.

Стих: В пáмь вéчную / б́удет прáведник.

Пáмь свящ́енную / Бож́ественнаго Иоáнна и Крестítеля / любóвию соверша́ем, / пою́ще Трóицу Пребож́ественную.

Слава, и ныне. Подобен тойже:

Еди́на христиа́н упова́ние / и Предста́тельница Чистая, / с Предте́чею / моли́ Сы́на Твоего́ / о Твои́х раба́х.

Тропарь писан на велицей вечерни.

Слава, и ныне, Богородичен: Вся па́че смы́сла:

НА ВЕЛИЦЕЙ ВЕЧЕРНИ

Стихологисуем Блаже́н муж: 1-й антифон.

**На Го́споди, возва́х: поставим стихов 8
и поем стихиры самогласны. Глас 6. Иоанна монаха:**

Рождеству́ сотворя́ему безсту́днаго И́рода, / скве́рныя пляса́вицы
исполня́шеся сложе́ние кля́твы: / Предте́чева бо глава́, отсékшися, / я́ко снeдь,
ноша́шеся на блю́де возлежа́щим. / О, пи́ра ме́рзка, / непреподо́бна дея́ния / и
убийства испо́лнена! / Но мы Крестите́ля, я́ко в рождённы́х жена́ми бо́льша, /
достойно чту́ще, ублажа́ем. (2)

Пляса́ учени́ца вселука́ваго диа́вола / и главу́ твою́, Предте́че, мзду взят. / О,
пи́ра, испо́лнена крове́й! / Лу́чше бе не кля́тися, И́роде беззакóние, лжи вну́че. /
А́ще ли же и кля́лся еси́, / но не о добре́ кля́лся: / лу́чше бе солга́вшу жизнь
получи́ти, / не́же и́стинствовавшу главу́ Предте́чеву усéкнути. / Но мы
Крестите́ля, я́ко в рождённы́х жена́ми бо́льша, / достойно чту́ще, ублажа́ем. (2)

Не подоба́ше ти, о И́роде, / прелюбоде́янию обличи́теля, / ра́ди раче́ния
сатани́нска / и разжже́ния неистовнаго блуда́ / сме́ртию осуди́ти. / Не подоба́ше
ти то́го всечестну́ю главу́ / пребеззакóнней женé ра́ди кля́твы пляса́ния преда́ти
бе́дне. / О, ка́ко дерзну́л еси́ таково́ убийство соверши́ти! / Ка́ко же не опали́ся
скве́рная пляса́вица, / посреди́ пи́ра на блю́де нося́щи сию́? / Но мы Крестите́ля,
я́ко в рождённы́х жена́ми бо́льша, / достойно чту́ще, ублажа́ем. (2)

Па́ки Иродиа́ бесится, / па́ки смуща́ется. / О, пляса́ния льсти́вна и пи́ра с
лести́ю! / Крестите́ль усека́шеся, и И́род смуща́шеся. / Молитва́ми, Го́споди,
Твоего́ Предте́чи, / мир пода́ждь душа́м на́шим. (2)

Слава, глас тойже:

Рождеству́ сотворя́ему безсту́днаго И́рода, / скве́рныя пляса́вицы
исполня́шеся сложе́ние кля́твы: / Предте́чева бо глава́, отсékшися, / я́ко снeдь,
ноша́шеся на блю́де возлежа́щим. / О, пи́ра ме́рзка, / непреподо́бна дея́ния / и
убийства испо́лнена! / Но мы Крестите́ля, я́ко в рождённы́х жена́ми бо́льша, /
достойно чту́ще, ублажа́ем.

И ныне, Богородичен: Кто Тебе́ не ублажи́т:

Вход, прокимен дне, и чтения.

Пророчества Исаиина чтение (главы 40, 41, 45, 48 и 54):

Тако глаголет Господь: утешайте, утешайте люди Моя, глаголет Бог. Священницы, глаголите в сердца Иерусалиму, умолите его, яко умножися смирение его, разрешися бо грех его, яко прият из руки Господни сугуба согрешения своя. Глас вопиющего в пустыни: уготовайте путь Господень, правы творите стези Богу нашему. На гору высокую взыди, благовестуй Сиону, возвышай крепостию глас твой, благовестуй Иерусалиму, вознесите, не бойтесь. Аз Господь Бог, Аз услышу убогих, Израилев, и не оставлю тех. Но отверзу от гор реки и посреде поля источники, сотворю пустыню в луг и жаждущую землю во источники водные. Да возвеселится небо свыше, и облацы да кропят правду, да возсияет земля, и да прозябнет милость, и правда да возсияет вкупе. Глас веселия возвестите, и услышано да будет, возвестите даже до конец земли. Глаголите, яко избави Господь раба Своего Иакова, и аще вжаждут в пустыни, источит им воду из камене. Возвеселися, неплоды не раждающая, расторгни и возопий, неболевшая, яко многа чада пустыя паче, нежели имущия мужа.

Пророчества Малахиина чтение (глава 3):

Тако глаголет Господь Вседержитель: се Аз посылаю Ангела Моего пред лицем Твоим, иже уготовит путь Твой пред Тобою. И придет во храм Свой Господь, Егже вы ищите. И кто стерпит день входа Его? Занеже Тому прийти, яко огонь в горниле и якоже былие перущих, и очистит, поядая и очищая, яко серебро и злато. И придет к вам судом, и будет Свидетель скор на лукавыя, и на прелюбодейцы, и на кленущияся именем Моим во лжу, и на лишаяущия мзды наемника, и на насильствующие вдовицы, и пхающия сырия, и на уклоняющия суд пришельца, и на не боящияся Его, глаголет Господь Вседержитель. Зане Аз Господь Бог ваш и не изменю Себе. И вы, сынове Иаковли, уклонитесь от закона и не сохраните. Сего ради обратитесь ко Мне, и обращуся к вам, глаголет Господь Вседержитель, и ублажат вас вси языцы. И разумейте, яко Аз Господь, смотряий посреде праведнаго и посреде беззаконника в день он, вонже сотворю снабдение любящим Мя. Познайте убо и помяните закон Моисеов, раба Моего, якоже заповеда вам в Хориве, ко всему Израилю повеление и оправдание. И се Аз послю вам Илию Фесвитянина, прежде даже не прийти дню Господню великому просвещенному, иже направит сердце отца к сыну и сердце человека ко искреннему своему, да не, пришед, поражу землю вскоре, глаголет Господь Вседержитель, Бог Святей Израилев.

Премудрости Соломоны чтение (главы 4 и 5):

Праведник, аще постигнет скончаться, в покои будет. Осудит же праведник умираяй живущия нечестивыя. Узрят бо кончину праведнаго и не разумют, что совещаша о нем, яко повержет Господь нечестивыя безгласны ниц и поколеблет их от оснований, и до последнего исчезнут в болезни, и память их погибнет. Придут бо в помышление согрешений своих ужасни, и обличит их

сопротів беззаконія их. Тогда стáнет в дерзновѣнии мно́зе праведник пред лицѣм оскорбѣвших его́ и отметающих труды́ его́. Видевше же его́, смяту́тся страхом мно́гим и ужаснутся о преслáвнем спасѣнии его́. Реку́т бо в себѣ, ка́ющеся, и в теснотѣ дѹха воздохнут и реку́т: сей бе, его́же имѣхом некогда в посмѣх и в прѣтчѹ поношѣния, безумнии, житиѣ его́ вменихом нейстово и кончѣну его́ безчѣстну. Ка́ко вменися в сынѣх Божїих, и во святых жребїий его́ есть? Убо заблудїхом от путї истиннаго, и правды свет не облистá нам, и солнце не возсия́ нам. Беззаконных исполнимомся стезь и погїбели, и ходїхом стезї непроходны, путї же Господня не разумѣхом.

На литии стихиры самогласны, глас 1. Германа патриарха:

Что ты наречѣм, пророче, / Ангела ли? Апостола ли? Или́ мученика? / Ангела, занѣ́ яко безплотен пожїл еси́; / апостола, яко научїл еси́ языки; / мученика же, яко твоя́ глава́ за Христа́ усечѣся. / Его́же моли́ помїловати дѹши наша́.

Отсѣченной главѣ Предтечеве́ пáмять соверша́ем: / тогда́ убо на блюде источа́ющи кровь, / ны́не же в концѣх пролива́ющи исцелѣния.

Днесь непреподобноделообразная́ ма́ти убїйства, / е́же от беззаконнаго сплетѣния своего́ всескверную́ дочь / над всех проро́к богоизящна́ бо́льшаго, / убийственнообразным советом лукавствова: / враждебному́ бо Ёроду творя́щу пир своего́ сквернаго рождества́, / с клятвою испросїти устрої / чудото́чную Богопроповѣдника́ честную́ главѹ, / е́же и совершїи пребезумный, / жѣнскому плясáнию дав ту возмѣдие, клятвенный дар. / Обáче не престá тайнник Христо́ва прише́ствия / богомерзкое смешѣние их и по кончїне обличáти, / но, обличáя, вопїяше: / не подобáет ти, глаго́ля, / прелюбодѣйствовати брата́ твоего́ Филиппа́ женѹ. / О, рождѣния пророкоубїйственна / и кровѣй напо́лнена́ пїра! / Мы же благочестномудренне / во усекновѣнии Предтечеве, / белообразу́юще, праздно́ем, / яко́ в благонаро́читый день раду́ющеся, / и умо́лим сегó благосердствовати Трїо́цу / от страстѣй безчѣстїя избáвити нас / и спасти́ дѹши наша́.

Глас 4: Рождѣние неподобно / и пир безстуднейший Ёрод совершїл есть. / Любодѣйством бо жѣнским услажда́емь / и нечестївым женонейством подстрека́емь, / отсечѣ главѹ Предтечеву, / но не отсечѣ язы́ка пророческа, / облича́ющаго безумїе его́. / Пролия́ кровь неповїнну, / покрѣ́ти хотя́ грех беззаконен, / но ни о сем скры́ гласа, / вопїю́щаго всем пока́яние. / Он убо свеселя́шеся убїйством, / мы же спраздно́ем любовью́ / Крестїтеля́ Иоáнна блаженное зако́ленїе. / Предварї́ бо во áде, / жизнь проповѣдати́ сущим во тьме и сѣни смѣртней седя́щим, / свѣ́ше востокъ Христо́а́ Бóга нашего́, / е́динаго Многомїлостиваго.

Проро́ка, и мученика, и Крестїтеля́ Спасова, / приидїте, лю́дие, восхва́лим: / сей бо во плóти Ангел сый, / Ёрода́ изобличїл есть, / пребеззаконнаго любодѣя́нїя содѣя́нїем осудїв его́. / И беззаконнаго́ ра́ди плясáния / честна́я глава́ отсека́ется, / сущим во áде благовествѹя́й из мѣртвых воскресѣние, / и мо́лится приле́жно Гóсподеви / спасти́ся душáм нашим.

Пророка, и мученика, и Крестителя Спаса, / приидите, люди, восхвалим:
/ яко бегая, в пустыни водворяшися, / мед дивий и акриды ядый, / царя
беззаконнующа обличил есть; / наше же малодушие утешаше, глаголя: /
покайтесь, приближи бо ся Царство Небесное.

Слава, глас 5. Иоанна монаха:

Беззаконнаго деяния обличения / убежати Ирод умыслив, / главу твою,
Предтече, / беззаконней жене предаде пакостно, / не разуме бо окаянный,
обличая себе, / на блюде обнося ю. / Но яко чистоты детельный учитель / и
покаяния наставник спасительный, / молися, Крестителю Христов, / от страстей
безчестия избавити нас.

И ныне, глас тойже:

Воспойте, люди, Матери Бога нашего, воспойте: / днесь бо всесветлую
душу Свою / в пречистыя длани / из Нея воплощагося без семени предаёт, /
Егоже и молит непрестанно / даровати вселенней мир и велию милость.

На стиховне стихиры самогласны, глас 2:

Покаяния проповедниче, Иоанне Крестителю, / отсечене бывшей твоей
главе, / землю освятил еси, / зане закон Божий верным уяснил еси / и
беззаконие потребил еси, / яко предстоя престолу Небеснаго Царя Христа, /
Того моли помилovati души наша.

Стих: Праведник, яко финике, процветет, / яко кедр, иже в Ливане,
умножится.

Закона ради Господня / во главу усекновен был еси, / о всесвятой Иоанне! /
Обличил еси царя злочестива, беззаконноавша / дерзновением непорочным. /
Темже дивятся тебе воинства ангельская, / славят тя лица апостол и мученик. /
Чтим твою и мы летнюю память, всеславне, / славяще Святую Троицу, / тебе
венчавшую, Предтече блаженне.

Стих: Возвеселится праведник о Господе / и уповает на Него.

Иже от пророка пророк / и болий пророков быв, / из чрева матерня
освященный в служение Господне, / днесь от беззаконна царя в главу усекновен
бысть, / и безчестно плясавшую отроковицу, / ясно и прежде усекновения и по
усекновении обличив, / посрами греха полк. / И сего ради возопиём: /
Крестителю Иоанне, / яко имея дерзновение, / прилежно молися о душах
наших.

Слава, глас 8:

Предтече Спасов, / ты царя изобличил еси беззакония не делати. / Темже
играние беззаконный жены / повину Ирода отсеши твою главу, / и сего ради от
восток солнца даже до запад хвально имя твое. / Дерзновение имея ко Господу,
/ прилежно моли спастися душам нашим.

И ныне, Богородичен: Безневестная Дево:

На благословении хлебов тропарь Предтечи, дважды, и Богородице Дево:
единожды, и чтение.

Тропарь Предтечи, глас 2:

Па́мьять пра́веднаго с похвала́ми, / тебѣ же довлѣет свидѣтельство Господне,
Предте́че: / показáл бо ся еси́ вои́стинну и проро́ков честне́йший, / я́ко и в
струя́х крести́ти сподо́бился еси́ Пропове́даннаго. / Те́мже за и́стину пострада́в,
ра́дуясь, / благовести́л еси́ и су́щим во а́де Бо́га, я́вляшагося плоти́ю, /
взе́млющаго грех ми́ра / и подаю́щаго нам ве́лию ми́лость.

НА УТРЕНИ

По 1-й стихологии седален, глас 5.

Подобен: Собезначальное Слово:

Хода́тая согла́сно зако́на и благода́ти, ве́рнии, соше́дшися, восхва́лим: / я́ко
покая́ние нам пропове́да, / и, Йо́рода я́ве обличи́в дерзнове́нне, в главу́ свою́
усече́н бысть, / и ны́не, со А́нгелы живу́щи, Христу́ мо́лится спасты́ся нам.

Слава, глас 4.

Подобен: Явился еси́ днесь:

Свѣтлую твою́ па́мьять днесь творя́ще, / Спа́са и Го́спода мо́лити приле́жно
Тя мо́лим, Предте́че, / всем да́ти согреше́ний прощѣ́ние.

И ны́не, Богородичен. Подобен:

Тѣплое заступле́ние су́щим в беда́х, и Помо́щницу на́шу, / и к Бо́гу
премене́ние, Ё́юже тли изба́вихомся, / Богоро́дицу, ве́рнии, ублажа́ем.

По 2-й стихологии седален, глас 5.

Подобен: Собезначальное Слово:

И́же от ложесн проро́ка, я́вляшагося нам, / и от непло́дове свети́льника
вселѣ́нней, я́сно произше́дша, / в пѣснех восхва́лим Христо́ва Крести́теля / и
победоно́сна страда́льца Предте́чу Иоáнна. / Мо́лится бо Го́сподеви
помы́ловатися душáм на́шим.

Слава, глас 4.

Подобен: Удивися Ио́сиф:

Ны́не я́вися нам Спа́сов Крести́тель и веселит разуме́не помышле́ния ве́рных,
/ пусты́ни красота́ и проро́ков печа́ть, / те́мже Христо́в показáся Предте́ча и
свидѣ́тель неложен прише́ствия Того́. / Духо́вными у́бо пѣсньми согла́сно
Иоáнну возопи́ем: / проро́че пропове́дниче и́стины, мо́лися спасты́ся нам.

И ны́не, Богородичен:

Удиви́шася, Чи́стая, вси А́нгелов ли́цы та́инству Твоего́ рожде́ния
стра́шному: / ка́ко, И́же вся содержа́й ма́нием еди́ным, объ́ятии Твои́ми, я́ко
Челове́к, содержит́ся, / и прие́млет нача́ло Превѣ́чный, и млеко́м пита́ется, /
вся́кое дыха́ние пита́й неизрече́нною бла́гостию! / И Тя, я́ко вои́стинну Бо́жию
Ма́терь, хва́ляще, сла́вят.

Величание

Велича́ем тя, / Крестите́лю Спа́сов Иоа́нне, / и почита́ем вси / честны́я твоёя главо́ усе́кнове́ние.

Псалом избранный

Блаже́н муж, боя́йся Го́спода, в за́поведех Его́ восхо́щет зело́. / Сла́ва и бога́тство в дому́ его́. / И пра́вда его́ пребыва́ет в век ве́ка. / В па́мь ве́чную бу́дет пра́ведник. / Пра́ведник я́ко фи́никс процветёт, я́ко кедр, я́же на Лива́не, умно́жится. / Возвесели́тся пра́ведник о Го́споде, и упова́ет на Него́. / Се́ устна́м мо́им не возбраню́, Го́споди. / Ты разу́мел еси́ пра́вду мою́, и и́стину мою́. / И язы́к мой поучи́тся пра́вде Твоёй, весь день хвалé Твоёй. / Свет возсия́ пра́веднику, и пра́вым се́рдцем весéлие. / Род пра́вых благослови́тся. / Сла́вою и че́стью венча́л еси́ его́. / Я́ко Ты благослови́ши пра́ведника, Го́споди. / Я́ко ору́жием благово́ления венча́л еси́ нас. / В ни́хже посети́ нас Восто́к с высоты́. / Яви́тся во тьме и сени́ сме́ртней се́дящим. / Напра́вить но́ги на́ша на путь ми́ра.

Сла́ва, и ны́не: Аллилу́иа (3).

По полиелеи седален, глас 8.

Подобен: Свирелей па́стырских:

Предте́ча, ве́рнии, Крестите́ль и А́нгел всех Изба́вителя, / Ирода обличи́в за беззако́ние Иродиа́дино, умира́ет, во главу́ усéчен, / я́ко да и су́щим во а́де со дерзнове́нием благовести́т, / я́ко Бог сходи́т та́мо плени́ти смерть.

Слава, и ныне, Богородичен:

Сло́во О́тчее на зе́млю сни́де, и А́нгел све́тел Богоро́дице глаго́лаше: / ра́дуйся, Благослове́нная, Я́же черто́г еди́на сохра́няшая, / зача́тие прие́мши Превéчнаго Бо́га и Го́спода, / да от преле́сти, я́ко Бог, спасёт род челове́ческий.

Степенна, 1-й антифон 4-го гласа.

Прокимен, глас 4: Честна́ пред Го́сподем / смерть преподо́бных Его́. Стих: Что возда́м Го́сподеви о всех, я́же воздаде́ ми?

Вся́кое дыха́ние:

Евангелие от Матфея, зачало 57:

Во вре́мя о́но, услы́шав Ирод четвертовла́стник слух Иису́сов, рече́ отроко́м своим: Сей есть Иоа́нн Крестите́ль, той воскресе́ от ме́ртвых, и сегó ра́ди си́лы де́ются о нем. Ирод бо есмь Иоа́нна, связа́ его́, и всади́ в темни́цу, Иродиа́ды ра́ди жены́ Фили́ппа бра́та свое́го. Глаго́лаше бо ему́ Иоа́нн: не досто́ит ти имéти ея́. И хотя́ше его́ уби́ти, убоя́ся наро́да, занé я́ко проро́ка его́ имéяху. Дни́ же бы́вшу рожде́ства Иродова, пляса́ дщи́ Иродиа́дина посреде́, и угоди́ Иродови. Те́мже и с кля́твою изрече́ ей да́ти, его́же а́ще воспро́сит. Она́ же нава́ждена ма́терию свое́ю, даждь ми, рече́, zde на блю́де главу́ Иоа́нна Крестите́ля. И печа́лен бысть царь: кля́твы же ра́ди, и за возлежа́щих с ним, повеле́ да́ти ей. И посла́в усéкну Иоа́нна в темни́це. И принесо́ша главу́ его́ на блю́де, и да́ша деви́це, и отнесе́ ма́тери свое́й. И присту́плеше учени́цы его́,

взяша тело его, и погребоша е, и пришедше возвестиша Иисусови. И слышав Иисус отыде отгуду в корабли, в пусто место един. И слышавше народи, по Нем идоша пещи от градов.

По 50-м псалме стихира, глас 6:

Пляса ученица вселукаваго диавола / и главу твою, Предтече, мзду взят. / О, пира, исполнена кровей! / Лучше бе не клытися, Ироде беззаконне, лжи внуче. / Аще ли же и клылся еси, / но не о добре клылся: / лучше бе солгавшу жизнь получитьи, / неже истинствовавшу главу Предтечеву усекнути. / Но мы Крестителя, яко в рожденных женами больша, / достойно чтуще, ублажаем.

Канона два, первый со ирмосом на 8. Иоанна монаха, глас 8.

Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

От утробы неплодная являшася пророка / в ложеснах Девических, во чреве Носимому неизреченно, / священнаго воспоём Предтечу.

Пределы естества превозшед, правды соблюл еси законы, / беззаконное смешение обличая, не убоясь царева суровства.

Законным млеком воспитався, законоположение совокупления законнаго, / яко закона печать запечатствуюя, / сопротивился еси мерзкому прелюбодеянию.

Богородичен: Чини Тя Ангел и человек, Безневестная Мати, восхваляют непрестанно: / Зиждителя бо сих яко Младенца на объятиих Твоих носила еси.

Другий канон на 6. Кир Андрея Критскаго, глас тойже.

Песнь 1

Ирмос: Истрысшему в мори мучительство фараоне / и Израиля сушею наставльшему / поим Христу, / яко прославися во веки.

Пустыни красное овча, / Захариин плод и Елисаветино паче надежды прозябение, / предповелевает верным торжествовати честную его память.

О, рождения, исполнена крове! / О, пира мерзка! / Убийством бо пьянство Ирод растворил, / трапеза же его скверноубийства горькаго исполнися.

Обличившаго Ирода беззаконнующа, вернии, / и отсечение главы претерпевша, воспоим Крестителя, / яко за ревность Божию умерщвлена.

Богородичен: Неописаннаго Бога Слова, всего всельшася в Тя, / родила еси, Чистая Богородительнице, / сугуба Того, яко едина суща Сына, / воплощенна из Тебе неизреченно.

Катавасия: Крест начертав, Моисей / впрямю жезлом Чермное пресече, / Израилю пешеходящу; / тоже обратно фараоновым колесницам, / ударив, совокупил, / вопреки написав непобедимое оружие. / Тем Христу поим, Богу нашему, яко прославися.

Песнь 3

Ирмос: Небѣснаго кру́га Верхотворче, Гóсподи, / и Цѣркве Зиждителю, / Ты менѣ утверди́ в любви́ Твоѣй, / желаний́ краю, вѣрных утверждение, / Еди́не Человеколю́бче.

Дрѣвних́ яко ходатай и но́вых, Предте́че, Евáнгельских проповѣданий / ты, предста́в, смешѣние беззакóнное мучительское обличил еси́, / сла́вную смерть, раду́ясь, прия́л еси́.

От ма́тере беззакóнныя преднаученá отрокови́ца, / объюродѣвшу пиянством Ёродови рече́: / даждь на блю́де главу́ Иоáннову, / ма́тери да подáм дар возжелѣнен.

Обличѣния не терпя́ безстудный мучитель / богоно́снаго твоего́ языка́, сла́вне Предте́че, / отрокови́це предаёт, жѣнским плясáнием, честную́ твою́ страдальную́ главу́, пресла́вне.

Богородичен: Всели́вся в Дѣву телѣсне, Гóсподи, / явил́ся еси́ челове́ком, якоже подобáше видети́ Тя, / Ю́же и показáл еси́ яко́ истинную́ Богороди́цу и вѣрным́ пóмошь, / Еди́не Человеколю́бче.

Ин

Ирмос: Несть́ свят,́ яко́ Господь, / и несть́ праведен,́ яко́ Бог наш, / Егóже поёт́ вся тварь: / несть́ праведен,́ пáче, Тебѣ́, Гóсподи.

Бóлий не востá в рождѣнных́ женáми Иоáнна, взывáше Христóс Ёстина: / во утрóбе бо познá создáние Создáвшаго, / проповѣда́ше ма́терним глáсом.

Пѣрстом, пѣрвее, показáв А́гнца / и язы́ком, вторóе, Ёрода обличил еси́, / главо́ю же, трѣ́тие, источáеши чудесá от здáнна сосúда нам.

Рождѣ́ние сла́вно, Крестителю́ Христóв, и жити́е твоѣ́ непорóчно, / и предъизшѣ́ствие чѣ́стно, и показáние стран́но, / смерть́ честна́ и погребѣ́ние сла́вно.

Богородичен: Бог Сый, Сам Себѣ́ истощил еси́, Единорóдне, / да спасѣши,́ я́же создáл еси́, / ихже́ рáди вочеловѣ́чился еси́, вопло́щся от Дѣвы, / и, все моѣ́ преме́нив естество́, привѣл еси́ Твоему́́ Родителю́.

Катавасия: Жезл во́ образ та́йны приѣмлется, / прозябѣ́нием бо предразсужда́ет священника; / непло́дящей же прѣ́жде Цѣркви, / ны́не процветѣ́ Дрѣво́ Крестá, / в держа́ву и утверждѣ́ние.

Седален, глас 8.

Подобен: Премудрости:

От непло́дове просия́в судом́́ Бóжиим и úзы разреши́в языка́́ отча, / показáл еси́́ солнце́, денницу́́ озаряющее́, / и лю́дем в пусты́ни Зиждителя́́ проповѣдал еси́́, А́гнца, взѣмлюща́го ми́ра грехи́́. / Тѣмже́ ре́вностию́́ царя́́ обличил еси́́, / в пресла́вную главу́́ твою́́ усѣчен быв, приснопáмятне, Иоáнне́́ всехвáльне, / моли́ся Христú́́ Бóгу согрѣшѣ́ний оставлѣ́ние дарова́ти / прáздную́щим лю́бовию́́ святу́ю́́ пáмять твою́́.

Слава, и ныне, Богородичен:

Яко Дёву и едїну в женах, Тя, без семене рождшую Бóга плóтию, / вси
ублажаём, рóди челове́чести: / огонь бо всели́ся в Тя Божества́, / и я́ко
Младенца млекóм пита́еши Зиждителя́ и Гóспода. / Тем, а́нгельский и
челове́ческий род, досто́йно сла́вим пресвято́е рождество́ Твое́ / и согласо́но
вопи́ем Ти: / моли́ Христа́ Бóга согрешéний оставлéние дарова́ти /
покланя́ющимся ве́рою пресвято́му рождеству́ Твоему́.

Песнь 4

Ирмос: Ты моя́ крѣпость, Гóсподи, / Ты моя́ и си́ла, / Ты мой Бог, Ты моё
ра́дование, / не оста́вь нѣдра О́тца / и на́шу нищету́ посетив. / Тем с проро́ком
Авваку́мом зову́ Ти: / си́ле Твое́й сла́ва, Человеколю́бче.

Не могій терпéти обличéния дѣрзости, / и́же за́кона томлéнием повѣннѣй, /
ни дѣрзость благо́честия, и́же сквѣрными сла́стми́ растлѣннѣй, / связа́в,
блюды́ше невесте́ственно Гóрним прѣжде конца́ ликóм совокупля́емаго.

Душеврѣднѣм пия́нством и разжжéнием блóднѣм поболѣв, / отдán
окая́ннѣй, отрокови́цы пля́санием ножнѣм связа́н, / убийца́ Проро́ка бывáет. /
Зача́т бо пия́нство блуда́ ма́терь и лю́тое беззако́ние породі́.

Воистинну́ в тебѣ́ не солга́ Божѣственнѣй глас: / ты бо во проро́цех бóльшѣй
еси́, / я́ко проро́честву сподóбился от са́мѣя утрóбы в несовершенство́ телеси́, / и
прорече́ннаго тобо́ю Бóга Сло́ва и ви́дев, и крестів в телеси́.

Богородичен: Ты ве́рных похвала́ еси́, Безневѣстная, Ты Предста́тельница, /
Ты и прибе́жище христиа́н, стена́ и приста́нище: / к Сы́ну бо Твоему́ мольбы́
но́сиши, Всенепоро́чная, / и спаса́еши от бед ве́рою и любóвию Богороди́цу
Чи́стую Тебѣ́ зна́ющія.

Ин

Ирмос: Из горы́ приосенѣ́нная, Сло́ве, проро́к, / едїны́я Богороди́цы, /
хотя́ща воплоті́тися боговѣ́дно усмотри́ / и со стра́хом славослóвѣяше си́лу
Твою́.

Уясни́л еси́ нам Христо́во Ца́рство, / показа́л еси́ лю́дем пу́ти пока́яния / и
Йрода́ обличи́л еси́ беззако́ннующа, / вели́кий проповѣ́дниче, Иоáнне му́дре.

Не терпя́, Кресті́телю, Йрод обличéния, / победи́ся гнѣвом, и за́вистию, и
гóрестию; / и соблю́даше вре́мя рожде́ния, / в не́же усече́ главу́ твою́,
проповѣ́дниче Христо́в.

Весели́ся, Кресті́телю, да игра́ет дух твой: / облича́еши бо и та́мо
безбо́жнаго Йрода́ / и сущим во а́де проповѣ́дуеши душáм, глаго́ля: / спасéние
на́ше прибли́жися.

Чуді́тся земля́ твоему́ жити́ю, Иоáнне, / проповѣ́дует не́бо непра́вдное твоё
заколéние, / и сказа́ет мно́жество добродѣ́телей твои́х Цѣ́рковь, воспева́ющія.

Богородичен: Роді́вся от Ма́тере, Дёвы Непоро́чная, / сохра́нил еси́ чи́сту
по рождестве́, / И́же в моё существо́ Весь облѣ́кся, греха́ кромѣ́.

Катавасия: Услы́шах, Го́споди, / смотре́ния Твоего́ та́инство, / разумéх дела́ Твоя́ / и просла́вих Твое́ Божество́.

Песнь 5

Ирмос: Вскю́ю мя отрину́л еси́ / от лица́ Твоего́, Све́те незаходи́мый, / и покрýла мя ест́ чужда́я тьма, ока́яннаго? / Но обрати́ мя, и к све́ту за́поведей Твои́х / пу́ти моя́ напра́ви, молю́ся.

Ма́терними наважде́ньми це́ну пляса́ния злоде́монскаго / суровы́я лвы́цы сурове́йшее исча́дие испроси́, / ю́же и зве́рие са́ми в пусты́ни почита́ху, / главу́ Предте́чи и пропове́дника.

О, твои́х неизрече́нных и непости́жных суде́б, Человеколю́бче! / Я́ко во утробе́ ещ́ су́ща ма́терни, Ду́ха Свята́го приятелище́ бы́вша / и возра́стша целому́дрием и чистото́ю скверна́вая испляса́ отрокови́ца.

Любе́зно и и́скренно изво́ли беззако́нное сопряже́ние лю́бящему / к рождество́нным егó пития́м и проро́че присовокупíti уби́йство, / и ча́шу, испол́нену святы́х и проро́ческих крове́й, сластолю́бием раство́рити.

Богородичен: Ма́терне дерзнове́ние, е́же к Сы́ну Твоему́ иму́щи, Пречи́стая, / срóднаго промы́шления, е́же о нас, не прэ́зри, мо́лимся: / я́ко Тебе́ и еди́ну, христиа́не, ко Влады́це, очище́ние ми́лостивно предлага́ем.

Ин

Ирмос: От но́щи неведе́ния / боговеде́нием просвети́вый концы́, / просвети́ мя у́тром человеколю́бия Твоего́, Го́споди.

Пусты́нное овча́ и вселе́нней стяжа́ние Предте́ча / днесъ гото́вит духо́вную трапéзу нам.

Сласте́й раба́ и зако́нов престу́пника, обличи́л еси́, Иоа́нне, Ё́рода, / Иродиа́ды го́рькаго рачи́теля.

Иродиа́да пляшет, Иоа́нн вяжется и закала́ется. / О, пьянства Ё́родова! / О, несмы́сльства ду́ши егó!

Богородичен: Ра́дуйся, Божество́нная Горó, / от Нея́же Ка́мень отсе́чяся без рук, Пречи́стая, / усы́рившися Бо́гу и Сло́ву, Всенепоро́чная, плóтию.

Катавасия: О треблаже́нное Дре́во, / на нёмже распя́ся Христóс, Царь и Господь! / Ё́мже паде́ дре́вом прельсти́вый, / Тобóю прельсти́вша, / Бо́гу пригвозди́вшуся плóтию, / подаю́щему мир ду́шам на́шим.

Песнь 6

Ирмос: Очи́сти мя, Спа́се, / мно́га бо беззако́ния моя́, / и из глубины́ зол возведи́, молю́ся, / к Тебе́ бо возопи́х, и услы́ши мя, / Бо́же спасе́ния моего́.

О за́поведех зако́на бе́дствуяй, блаже́нне, / обличе́ньми наказу́еши беззако́нонавшаго: / не был бо еси́ трость, вра́жиих ве́тров коле́блема дуновéньми.

Крóвию заклáния глава́ ка́плющи твоя́, / принесéся блóдным по́вигом вме́сто мзды, / Ё́рода облича́ющи и по кончи́не, я́ко естество́ смеси́вша.

В пустынях ходя, власи велбужи покрываемь, / во о́вех у́бо яко светосиянно жил еси́ царски, / во о́вех же, яко́ царску обнося́ красоту́, / над страстьми́ воцарился еси́.

Богородичен: Да избавимся от лют прегрешений молитвами Твоими, Богородительнице Чистая, / и да улучим, Пресвятая, Божественное сияние / из Тебе неизреченно воплощенного Сына Божия.

Ин

Ирмос: Якоже пророка избавил еси́ / из глубины преисподния, Христэ́ Бóже, / и мене́ от грехов моих́ избави, яко́ Человеколюбец, / и упрáви живóт мой, молю́ся.

Усечение́ честны́я и всехвальныйя́ твоея́ главы́, Предтече́ Христов, почитающе, / славим твою́ приснохвальную и всемирную́ память, преблаженне.

О, сквернаго́ гощения! О, горькаго́ рождения! / О, пьянства сквернаго́ Йрода беззаконнаго! / Содержим бысть к беззаконию и обличаемь, / Пророка убити поучается.

Плясавши́ новая́ египтяныня́ посреди́ пи́ра сквернено, главу́ испроси́, / сея́ обличившую́ родительницу́ и Йродову́ наложницу́.

Богородичен: Иже ны́не Сын Дёвы, пер́вее Сын Отéч показáся, / не ин разумеваемь, от видимаго, / áще и пребы́сть еди́н во обою́ совершён.

Катавасия: Воднаго́ звёря во утробе́ / длáни Ио́на крестовидно́ распостёр, / спасительную́ Страсть проображáше я́ве. / Тем, триднёвен изшэд, / премёрное Воскресение́ прописáше / Плóтию пригвождённаго́ Христá́ Бóга / и триднёвным Воскресением мир просвещáшаго.

Кондак, глас 5:

Предтечево́ славное́ усекновение́ / смотре́ние бысть некое́ Божественное, / да и сущим во áде Спáсово пропове́сть пришество́е. / Да рыдаёт у́бо Йродия́, / беззаконное́ убийство́ испросивши: / не за́кон бо́ Бóжий, ни живы́й век возлюбí, / но притво́рный, привре́менный.

Икос:

Рождение́ Йродово́ всем я́вися непреподóбно, / егда́ посреди́ питающихся глава́ посты́агося предложíся, яко́же снeдь: / радости́ совокупíся печáль, и смéху растворíся горькое́ рыдание́, / яко́ главу́ Крестите́леву на блю́де нося́, пред все́ми вни́де, яко́же рече́, отрокови́ца. / И клятвы́ ра́ди рыдание́ нападе́ на вся возлежа́щая тогда́ с царём: / не бо́ обвесели́ о́них, ниже́ Йрода́ самогó. / Рече́ бо: оскорбéша печáлию не и́стинною, / но притво́рною, привре́менною.

Песнь 7

Ирмос: Бóжия́ снизхождéния / огонь устыдéся в Вавилóне иногдá, / сегó́ ра́ди óтроцы в пещí, ра́дованною́ ного́ю, / яко́ во цвётнице, ликую́ще, пояху: / благословéн еси́, Бóже отéц наших.

Блудным желанием, лютым же пьянством вооружён, / приразився, разсёдеся, к воздержания столпу непреклонному / и целомудрия ко граду неразрушимоу, Христову Крестителю, Ирод беззаконный.

Не ужасёся, Предтече, не устыдёся, не ослабё научёная диаволом, / твою приносящи честную главу безстыдно на блюде, / наваждением матерним прельстивши ум.

Яко светильник, просиял еси, предпослався же, яко Ангел; / яко Пророк, проповедуеши Агнца Божия, являшагося Христа; / яко мученик, мечем во главу усеклся еси, / предвозвещая Того и сущим во аде мертвым.

Богородичен: Избавльшеся рождеством Твоим осуждения древняго падения, / явленную вину освобождения, Тя, Мати Дёво, с Сыном Твоим, / давшим избаву о нас Себе, присно славим.

Ин

Ирмос: В начале землю основавый / и Небеса словом утвердивый, / благословен еси во веки, Господи, Боже отец наших.

Закон Божий проповедуя, Иоанн / злочестиваго не убояся Ирода беззаконующаго уцеломудрити: / огонь бо бе в нем греха его.

О, главы, ясно законополагающия и от земли Ироду провозглашающия: / не достоин тебе беззаконующу багряницу носить, / яко мучительскую одежду.

Оружии скверными беззаконный Ирод вооружився, / с клятвою исполняше беззаконие, / гощения пьянство имея тамо, свинствуящее тому.

Богородичен: Безплотен сый – непреложно воплотися; / Безлётен сый – во времени познася от Дёвы, / всех Зиждитель, несмёсно пребыв, якоже бе, и быв, якоже не бе.

Катавасия: Безумное веление мучителя злочестиваго / люди поколебá, / дышущее прещение и злохуление богомерзкое; / обаче три отроки не устраши ярость зверская, / ни огонь снedayя, / но противодышущу росоносному Духу, / со огнём сущу, пояху: / Препётый отец и нас Боже, благословен еси.

Песнь 8

Ирмос: Седмерицею пещь / халдейский мучитель / Богочестивым неистовно разжжé, / силу же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Предтекий рождество Твое и Божественное страдание, / в преисподних мечем бывает пророк и вестник тамошняго пришествия Твоего, / яко глас Слова Иоанн зывая: / мертвии, – Животодавца, слепии, – Светодавца, / пленении, – Избавителя Христа превозносите во вся веки.

Девическаго рождества предтек от неплодове, / ныне вольнаго вся Создавашаго бысть распятия предшественник, / усекновением главным сущим во аде зовый: / отроцы, благословите, священницы, воспойте, / людие, превозносите во вся веки.

Главé твоёй от телесé отъяте б́ывши, Предт́ече, / твоёю плóтию душá владящая от сея раздел́ися, / но Божествó от плóти Емману́ила не разлуч́ися отсю́ду, / и кость не сокруши́ся Бóга и Влады́ки. / Тёмже превозно́сим Егó во вéки вся.

Богородичен: Господородительнице Пречистая, души́ моея́ язвы и гноения / мило́стивною мольбóю Твоёю, Дéво, очисти и па́дша возста́ви. / Спаси́ мя, Всенепоро́чная, блúднаго, спаси́: / Ты бо ми еси́ Предста́тельница и заступл́ение, / еди́на Чистая и Благословенная во вся вéки.

Ин

Ирмос: На горé святéй просла́вльшася / и в купинé огнём Приснодéвы Моисéови та́йну я́вльшаго, / Гóспода по́йте / и превозно́сите во вся вéки.

Проповéдавый Христовó пришéствие сущим во áде, / véрою возвещáя, болéзни решáяй прихóдит Господь сла́вы, / Егóже превозно́сим во вся вéки.

В темни́це тя затвори́ Йрод, Иоáнне, вторáго Илию́, / и, желéзными ўзы связáв, уби́, / пока́нния и Цáрствия véрнаго священнопроповéдника.

О, трапéзы, крóве исполненныя! / О, снёдей, убийством растворённых! / О, пи́ра, исполнена сýетства! / О, безчеловéчия и скверноубийства Йрода беззакóннаго!

Богородичен: Горé весь и до́ле весь, Сло́ве, в нéдрех О́тчих и Мáтере Твоея́, / весь Бог и весь естество́м Человéк, / еди́н Ипостáсию и сугуб естество́м еси́, Мило́стиве.

Катавасия: Благослови́те, óтроцы, / Трóицы равноч́исленнии, / Содéтеля Отца́ Бóга, / по́йте снизшédшее Сло́во, / и огонь в рóсу претвóршее, / и превозно́сите всем жизнь подава́ющаго / Дúха Всесвята́го во вéки.

Песнь 9

Ирмос: Устраши́ся всяк слух / неизречённа Бóжия снизхождéния, / я́ко Вы́шний во́лею сн́иде да́же и до плóти, / от девическаго чрэва быв Человéк. / Тёмже Пречистую Богорóдицу, véрнии, велича́ем.

Устраши́ся полк лука́вый и сегó предста́тель диáвол / богослóвнаго твоегó, Прорóче, язы́ка, Христа́ проповéдавшаго, / и отрокови́цею сквёрною Йрода повинú главú усещи́ твою́, / но мы тя, Крестит́еля, велича́ем.

Удóль ўбо естества́ смире́на возвы́сися, и холм смири́ся смёртныя горды́ни, / глас бо вопию́щаго воззва́ в пусты́нях свéта, во áдовых жили́щах: / врата́ возм́итесь, Царь бо всех вни́дет.

Трепéщут стра́сти челове́чския и страхом отбегáют дéмони, / осенéнием от Бóга тебе́ да́нныя благодáти. / Но от обо́их искуш́ений ста́до твоё избáви, Господень Предт́ече, / véрою ты присно велича́ющее.

Богородичен: Напрязи́, и успева́й, и ца́рствуй, Сýне Богомáтере, / исмаи́льския лю́ди покоря́я, борю́щия нас, / во́инству победы́ да́руя на вáрвары враги́ / мольба́ми рóждшия Тя, Сло́ве Бóжий.

Ин

Ирмос: Проявлѣнное на горѣ законоположнику во огни и купинѣ / рождество Приснодѣвы / в наше, верных, спасение / пѣснями немолчными величаем.

Паки Иезавель ликует на Илию, / паки египтяныня Иосифа ищет, / Пророка же и Крестителя Спасова – / ныне являющаяся Иродиада скверная.

Во главу усечен быв, Иоанне, от Ирода, / сущим в аде душам послался еси / проповедати Грядущаго и тех спасти всех, / прежде скончавшихся верных от Адама.

Светильник Света и глас Слова сый, проповедник Агнца Божия, / пустынное овча, Иоанне, честный мучениче Господень, / моли спастися поющим тя.

Богородичен: Единая в женах по рождестве явилася еси Дева, / единая в женах Ты Богородительница показала еси, / единая разрешила еси от болезни Еву / и первородную изсушила еси клятву.

Катавасия: Таин еси, Богородице, рай, / невозделанно возрастивший Христа, / Имже крестное живородное на земли насадилося Древо. / Тем, ныне возносиму, / поклоняющеся Ему, Тя величаем.

Светилен.

Подобен: Учеником зрящим:

Во пророцех больша познана и апостол предъизбранна бывша, / песнями похвальными венчаем Предтечу благодати: / во главу бо усечен бысть закона ради Господня.

Слава: Скверный Ирод / чистоты садителю, тебе, Крестителю Спасов, / главу усече лстывне, / обличений же твоего языка посети никакоже возможно.

И ныне, Богородичен: Яже клятву мирскую Божественным рождеством Твоим, Чистая, потребльши, / стадо, Тебе молящееся верно, от всяких бед избави / молитвами Твоими Отроковице.

На хвалитех стихиры на 4, глас 8.

Подобен: О, преславнаго чудесе:

О, преславнаго чудесе! / Священную главу и Ангелом говейную / нечистая блудница ношаше, отроковица, / обличившую деяние беззаконно, / прелюбодейце матери принесе. / О, неизреченнаго твоего терпения, Человеколюбче! / Имже, Христе, спаси души наша, / яко един Благоутробен. (2)

О, Иродова окаменения! / Обезчестивый Бога законными преступленьми, / клятвы соблюдением лестне лицемерствует / и к прелюбодейнию убийство прилагает, / сетовати творяйся. / О, неизглаголаннаго Твоего милосердия, Владыко! / Имже, Христе, спаси души наша, / яко един Благоутробен.

О, паче ума удивления! / Пророков печать, земный Ангел / блудному плясанию показуется цена, / богословный язык, / предпосылается и сущим во аде / Христов провозвестник. / О, несказаннаго Твоего промысления, Владыко! / Имже, Христе, спаси души наша, / яко един Благоутробен.

Слава, глас 6:

Па́ки Ироді́я бѣсится, / па́ки смуща́ется. / О, пляса́ния льсти́вна и пи́ра с
ле́стию! / Кресті́тель усека́шеся, / и Ёрод смуща́шеся. / Молі́твами, Го́споди,
Твоего́ Предте́чи / мир пода́ждь душа́м на́шим.

И ныне, Богородичен, глас тойже:

Богоро́дице, Ты еси́ лоза́ и́стинная, / возрасти́вшая нам Плод живото́а, / Тебе́
мо́лимся: / моли́ся, Влады́чице, со святы́ми апо́столы / поми́ловати ду́ши на́ша.

Славословие великое.

По трисвятом тропарь Предтечи. Сла́ва, и ны́не: Вся, па́че смы́сла: Ектении
и отпуст. И дается святы́й елей бра́тии от кандила свято́го Предтечи. И час 1-й.
На 1-м часе тропарь и кондак Предтечи. И конечный отпуст.

НА ЛИТУРГИИ

Блаженны от канона 1-го, песнь 3-я, на 4, и 2-го 6-я, на 4.

Прокимен, глас 7: Возвеселі́тся пра́ведник о Го́споде / и упова́ет на Него́.
Стих: Услы́ши, Бо́же, глас мой, внегда́ моли́ти ми ся к Тебе́.

Деяний святы́х апо́стол чтѣние (зачало 33):

Во дни о́ны, я́коже скончаваше Ио́анн течѣние, глаго́лаше: ко́го мя непщуете
бы́ти, несмы́ аз, но се грядѣт по мне, Ему́же несмы́ досто́ин разреші́ти реме́нь
сапо́гу Его́. Му́жие, бра́тие, сы́нове ро́да Авраа́мля, и я́же в вас, боя́щиися Бо́га,
вам сло́во спасѣ́ния Сего́ послася: Живу́щии бо во Иерусали́ме и кня́зи их сего́
не разумѣ́вше, и гла́сы проро́ческия, по вся суббо́ты что́мья, осуді́вше Его́,
исполни́ша. И ни еди́ныя вины́ сме́ртныя обрѣ́тше, проси́ша у Пила́та уби́ти
Его́. Я́коже скончаша́ вся, я́же о Нем пи́сана, снѣмше со Дре́ва, положи́ша во
гробе́. Бог же воскресі́ Его́ от ме́ртвых. Я́же яви́ся на дни мно́ги совозше́дшим
с Ним от Галиле́и во Иерусали́м, я́же ны́не суть свидѣтели́е Его́ к лю́дем. И мы
вам благовеству́ем обетова́ние, бы́вшее ко отце́м, я́ко си́е Бог исполнилъ е́сть
нам, ча́дом их, воздвигъ Иису́са.

Аллилу́иа, глас 4: Пра́ведник, я́ко фи́никс, процветѣт, я́ко кедр, я́же в
Лива́не, умно́жится. Стих: Насаждѣ́ни в до́му Господни во дво́рех до́му Бо́га
нашего́ процвету́т.

Евангелие от Марка, зачало 24:

Во вре́мя о́но, слы́ша Ёрод царь слухъ Иису́сов [я́ве бо бысть и́мя его́,] и
глаго́лаше, я́ко Ио́анн Крестя́й от ме́ртвых воста́, и сего́ ра́ди си́лы де́ются о
нем. Ини́и глаго́лаху, я́ко Илі́я е́сть, ини́и же глаго́лаху, я́ко проро́к е́сть, или́
я́ко еди́н от проро́к. Слы́шав же Ёрод рече́, я́ко, его́же аз усѣкнхъ Ио́анна, той
е́сть: той воста́ от ме́ртвых. Той бо Ёрод посла́в, ят Ио́анна и связа́ его́ в
темни́це, Иродиа́ды ра́ди, жены́ Фили́ппа, бра́та своего́, я́ко ожені́ся е́ю.
Глаго́лаше бо Ио́анн Ёродови: не досто́ит тебе́ имѣти жену́ (Фили́ппа), бра́та
твоего́. Ироді́я же гнѣвашеся на него́ и хотя́ше его́ уби́ти, и не можа́ше. Ёрод бо

бояшеся Иоáнна, вѣдый егó мѹжа прáведна и свѣта, и соблюдáше егó, и послушав егó, многа творяше, и в слáдость егó послушаше. И приключшуся дни потребну, егда Ёрод рождествѹ своему вѣчерю творяше, князѣм своим, тысящником, и старейшинам галилейским. И вшѣдши дщерь тоя Иродиáды, и плясáвши, и угóждши Ёродови и возлежáщим с ним. Речѣ царь девѣце: проси́ у менѣ, е́же áще хóщеши, и дам ти. И кля́тся ей: я́ко áще попрóсиши у менѣ, дам ти, и до полцáрствия моего́. Она́ же изшѣдши речѣ ма́тери своѣй: чесó прошу́? Она́ же речѣ: главѹ Иоáнна Крестите́ля. И вшѣдши áбие со тцáнием к царю́, проси́, глаголющи: хошѹ, да ми дáси от негó на блóде главѹ Иоáнна Крестите́ля. И прискóрбен быв царь, кля́твы же рáди, и за возлежáщих с ним, не восхотѣ отрещи́ся ея́. И áбие послáв царь спекулáтора, повелѣ принести́ главѹ егó. Он же шед усѣкну егó в темни́це. И принесѣ главѹ егó на блóде, и даде́ ю девѣце: и девѣца даде́ ю ма́тери своѣй. И слы́шавше ученицы́ егó, приидóша и взяша труп егó, и положи́ша егó во грóбе. И собрáшася апóстоли ко Иисѹсу, и возвести́ша Емѹ вся, и елика сотвори́ша, и научи́ша.

Причастен: В пáмьть вѣчную бѹдет прáведник, от слѹха зла не убой́тся.

На трапезе утешение братии, кроме сыра, и яиц, и рыбы. Ядим же дважды днем, аще среда или пяток.

Ведомо же буди, яко аще случится праздник сей в Неделю, предваряет вся служба воскресна на вечерни, и на утрени, и на Литургии.